

# **Чинопоследование обедницы по мирянскому чину**

*Составитель:  
диакон Алексей Попов*

Москва

2020

## Оглавление

Чинопоследование обедницы по мирянскому чину .....	3
Чинопоследование обедницы по мирянскому чину в день Светлого Христова Воскресения и на Светлой седмице .....	12
Чин обедницы в жизни православных мирян: краткая историческая справка и применение (пояснительная заметка) .....	28
Библиографический список .....	31

## Чинопоследование обедницы по мирянскому чину

Старший, придя в молельную комнату, часовню или храм, где будет совершаться Чин обедницы, встает перед специально подготовленным столом, на котором лежат крест, Святое Евангелие, стоят иконы Спасителя (справа) и Божией Матери (слева), в сосуде – Святая вода, на тарели – просфора, антидор или артос (разрезается заранее). Совершаются Старшим молитвы входные.

Боже, очисти мя, грешнаго (*дважды*). Боже, очисти мя, грешнаго, и помилуй мя.

Молитвами святых отец наших, Господи Иисусе Христе, Боже наш, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истины, Иже везде сый и вся исполняй, Скоровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святой Боже, Святой Крепкий, Святой Бессметрный, помилуй нас (*трижды*).

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас: Господи, очисти грехи наша: Владыко, прости беззакония наша: Святой, посети и исцели немощи наша имене Твоего ради.

Господи помилуй (*трижды*). Слава, и ныне.

Отче наш, Иже еси на Небесех! Да святится имя Твое: да приидет Царствие Твое: да будет воля Твоя, яко на небеси, и на земли. Хлеб наш насущный даждь нам днесь: и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Молитвами святых отец наших Господи, Иисусе Христе Боже наш, помилуй нас. Аминь.

Помилуй нас, Господи, помилуй нас: всякаго бо ответа недоумеюще, сию Ти молитву, яко Владыце грешнии приносим: помилуй нас.

**Слава:** Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне, яко Благоутробен, и избави ны от враг наших; Ты бо еси Бог наш, и мы людие Твои, вси дела руку Твоею, и имя Твое призываем.

**И ныне:** Милосердия двери отверзи нам, Благословенная Богородице, надеющиеся на Тя да не погибнем, но да избавимся Тобою от бед: Ты бо еси спасение рода христианскаго.

**Лобызая икону Спасителя, говорит:** Пречистому образу Твоему поклоняемся Благий, просяще прощения прегрешений наших, Христе Боже, волею бо благоволил еси плотию взыти на Крест, да избавиши, яже создал еси, от работы вражия. Тем благодарственно вопием Ти: радости исполнил еси вся, Спасе наш, пришедый спасти мир.

**Лобызая икону Божией Матери, говорит:** Милосердия сущи источник, милости сподоби нас, Богородице, призри на люди согрешившия, яви яко присно силу Твою: на Тя бо уповающе, радуйся вопием Ти, якоже иногда Гавриил безплотных Архистратиг.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении, вся нам прости, яко Благ и Человеколюбец.

Вниду в дом Твой, поклонюся ко храму святому Твоему в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих, по множеству нечестия их изрини их, яко преогорчиша Тя, Господи. И да возвеселятся вси, уповающи на Тя, во век возрадуются, и вселишися в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

**Старший делает поклоны и прикладывается  
ко Святому Евангелию и Кресту.**

**Перед Обедницей могут читаться Часы.**

**Старший, подготовившись к богослужению, начинается молиться:**

Царю Небесный, Утешителю, Душе истины, Иже везде сый и вся исполняяй, Скоровице благих и жизни Подателю, прииди и вселися в ны, и очисти ны от всякия скверны, и спаси, Блаже, души наша (поясной поклон)<sup>1</sup>.

Слава в вышних Богу, и на земли мир, в человецех благоволение (трижды) –  
поясной поклон.

---

<sup>1</sup> В период от Светлого Христова Воскресения до Отдания Пасхи вместо «Царю Небесный» читается тропарь Пасхи, от Вознесения до Отдания – тропарь праздника.

Господи, устне мои отверзеши, и уста моя возвестят хвалу Твою (дважды) –  
ПОЯСНОЙ ПОКЛОН.

**Старший произносит громко:** Молитвами святых отец наших, Господи, Иисусе Христе, Боже наш, помилуй нас.

**Хор:** Аминь.

*Если старшим служит диакон, то произносит мирную ектению по Служебнику, возглас – «Молитвами святых отец наших...». Если старшим является мирянин, чтец или иподиакон, сразу начинается петься антифон.*

**Антифон первый  
(псалом 102)<sup>2</sup>:**

Благослови, душе моя, Господа. / Благословен еси, Господи. / Благослови, душе моя, Господа, / и вся внутренняя моя Имя святое Его. / Благослови, душе моя, Господа, / и не забывай всех воздаяний Его. / Очищающего вся беззакония твоя, / исцеляющего вся недуги твоя. / Избавляющего от истления живот твой, / венчающего тя милостию и щедротами. / Исполняющего во благих желание твое: / обновится, яко орля, юность твоя. / Щедр и милостив Господь, / долготерпелив и многомилостив. / Благослови, душе моя, Господа, / и вся внутренняя моя / Имя святое Его. // Благословен еси, Господи<sup>3</sup>.

*Если старшим служит диакон, то произносит малую ектению по Служебнику, возглас – «Молитвами святых отец наших...». Если старшим является мирянин, чтец или иподиакон, то после первого антифона поется сразу второй.*

**Антифон второй  
(псалом 145):**

Хвали, душе моя, Господа. / Восхваляю Господа в животе моем, / пою Богу моему, дондеже есмь. / Не надейтесь на князи, на сыны человеческия, / в нихже несть спасения. / Изыдет дух его, и возвратится в землю свою: / в той день погибнут вся помышления его. / Блажен, емуже Бог Иаковль помощник его, / упование его на Господа Бога своего. / Сотворшаго небо и землю, / море и вся, яже в них. / Хранящаго истину в век, / творящаго суд обидимым, / дающаго пищу алчущим. / Господь решит окованныя, / Господь умудряет слепцы. / Господь возводит низверженныя, / Господь любит праведники. /

---

<sup>2</sup> Возможно пение всего псалма. Однако на практике поются лишь избранные стихи. В двенадцатые праздники поются праздничные антифоны, а в будни – вседневные.

<sup>3</sup> Колена даны для пения антифонов на первый глас.

Господь хранит пришельцы, / сира и вдову примет, / и путь грешных погубит.  
/ Воцарится Господь во век, // Бог твой, Сионе, в род и род.

Слава Отцу и Сыну и Святому Духу, и ныне и присно, и во веки веков.  
Аминь.

### **«Единородный Сыне»:**

Единородный Сыне и Слове Божий, Безсмертен Сый и изволивый спасения нашего ради воплотится от Святыя Богородицы и Приснодевы Марии, непреложно вочеловечивыйся, распный же, Христе Боже, смертию смерть поправый, Един Сый Святыя Троицы, прославляемый Отцу и Святому Духу, спаси нас.

*Если старшим служит диакон, то произносит малую ектению по Служебнику, возглас – «Молитвами святых отец наших...». Если старшим является мирянин, чтец или иподиакон, то после «Единородный Сыне» сразу поется третий антифон.*

### **Антифон третий (Заповеди Блаженства):**

Во Царствии Твоем помяни нас, Господи, / егда приидеши во Царствии Твоем.

Блажени нищии духом, / яко тех есть Царство Небесное.

Блажени плачущии, / яко тии утешатся.

Блажени кротции, / яко тии наследят землю.

Блажени алчущии и жаждущии правды, / яко тии насытятся.

Блажени милостивии, / яко тии помиловани будут.

Блажени чистии сердцем, / яко тии Бога узрят.

Блажени миротворцы, / яко тии сынове Божии нарекутся.

Блажени изгнани правды ради, / яко тех есть Царство Небесное.

Блажени есте, егда поносят вам, / и изженут, и рекут всяк зол глагол на вы, лжуще Мене ради.

Радуйтеся и веселитесь, / яко мзда ваша многа на Небесех.

**В будние дни поются антифоны вседневные, а в двенадесятые праздники – праздничные, особо указанные в Минеи.**

**Далее поются тропари и кондаки согласно Уставу. После этого поется Трисвятое по следующей схеме:**

Святой Боже, Святой Крепкий, Святой Бессмертный, помилуй нас  
(трижды).

Слава Отцу и Сыну и Святому Духу, и ныне и присно, и во веки веков.  
Аминь.

Святой Бессмертный, помилуй нас.

Святой Боже, Святой Крепкий, Святой Бессмертный, помилуй нас  
(единожды).

**Если Чин обедницы будет совершаться в день Рождества Христова, Крещения Господня, в Лазареву или Великую субботу, в день Светлого Христова Воскресения и на Пятидесятницу вместо Трисвятого поется «Елицы во Христа креститесь» следующим образом:**

Елицы во Христа креститесь, во Христа облекостесь: Аллилуиа  
(трижды).

Слава Отцу и Сыну и Святому Духу, и ныне и присно, и во веки веков.  
Аминь.

Во Христа облекостесь: Аллилуиа.

Елицы во Христа креститесь, во Христа облекостесь: Аллилуиа  
(единожды).

**Ч:** оглашает прокимен вокресный соответствующего гласа (если воскресенье), праздника, святого, в честь которого совершается богослужение, или дня.

**Далее чтец оглашает название послания, которое он читает:**

*Деяний святых апостол чтение.*

*Соборного послания Иаковля чтение.*

*Соборного послания Петрова чтение.*

*К Римлянам послания святого апостола Павла чтение.*

*К Коринфянам послания святого апостола Павла чтение.*

*К Галатам послания святого апостола Павла чтение.*

*Ко Евреям послания святого апостола Павла чтение.*

**И далее читается зачало (или зачала) из Апостола.**

**Примечание:** «Премудрость» и «Вонмем» Старший не говорит<sup>4</sup>.

*По окончании чтения зачала из Апостола, читается чтецом и поется хором Аллилуиарий воскресный (если воскресный день), праздника, святого или дня.*

**Старший читает молитву перед чтением Святого Евангелия:**

Возсияй в сердцах наших, Человеколюбче Владыко, Твоего Богоразумия нетленный свет, и мысленныя наши отверзи очи, во Евангельских Твоих проповеданий разумение. Вложи в нас и страх блаженных Твоих заповедей, да плотския похоти вся поправше, духовное жительство пройдем, вся, яже ко благоугождению Твоему, и мудрствующе и деюще. Ты бо еси прсвещение душ и телес наших, Христе Боже, и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков. Аминь.

**Затем возглашает:**

**Или:** От Матфея Святаго Евангелия чтение;

**Или:** От Марка Святаго Евангелия чтение;

**Или:** От Луки Святаго Евангелия чтение;

**Или:** От Иоанна Святаго Евангелия чтение.

**Хор:** Слава Тебе, Господи, слава Тебе.

**Старший читает зачало или зачала из Евангелия. По окончании чтения хор поет:** Слава Тебе, Господи, слава Тебе.

**Здесь, если есть необходимость, можно прочесть молитву благодарственную, о болящих, путешествующих и другие.**

**И далее следующие молитвословия поются:**

Помяни нас, Господи, егда приидеши во Царствии Твоем.

Помяни нас, Владыко, егда приидеши во Царствии Твоем.

Помяни нас, Святый, егда приидеши во Царствии Твоем.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоя.

**Стих:** Приступите к Нему и просветитесь, и лица ваша не постыдятся.

---

<sup>4</sup> Если Старшим является диакон, то он имеет права сказать «Премудрость» и «Вонмем» в тех местах, где это уместно.



Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоя.

**Слава:** Лик святых Ангел и Архангел со всеми Небесными силами поет Тя и глаголет: Свят, Свят, Свят Господь Саваоф, исполнь Небо и земля славы Твоя.

И ныне и присно, и во веки веков. Аминь.

Верую во единого Бога Отца Вседержителя, / Творца небу и земли, видимым же всем и невидимым. / И во единого Господа Иисуса Христа, Сына Божия, / Единородного, Иже от Отца рожденного прежде всех век. / Света от Света, Бога истинна от Бога истинна, / рожденна, несотворенна, единосущна Отцу, Имже вся быша. / Нас ради человек и нашего ради спасения сшедшаго с небес / и воплотившагося от Духа Свята и Марии Девы и вочеловечшася. / Распятаго же за ны при Понтийстем Пилате, / и страдавша, и погребенна. И воскресшаго в третий день по Писанием. / И возшедшаго на Небеса, и сидяща одесную Отца. / И паки грядущаго со славою судити живым и мертвым, Егоже Царствию не будет конца. / И в Духа Святаго, Господа, Животворящаго, Иже от Отца исходящаго, / Иже со Отцем и Сыном спокланяема и сславима, глаголавшаго пророки. / Во едину Святую, Соборную и Апостольскую Церковь. / Исповедую едино крещение во оставление грехов. / Чаю воскресения мертвых, / и жизни будущаго века. Аминь.

**С:** Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении, вся нам прости, яко Благ и Человеколюбец.

**Х:** Отче наш, / Иже еси на Небесех, / да святится имя Твое, да приидет Царствие Твое, / да будет воля Твоя, яко на Небеси и на земли. / Хлеб наш насущный даждь нам днесь; / и остави нам долги наша, якоже и мы оставляем должником нашим; / и не введи нас во искушение, // но избави нас от лукаваго.

**С:** Молитвами святых отец наших...

**Х:** Аминь. Господи, помилуй (12 раз). **Далее поется на пятый глас:**

Всесвятая Троице, Единосущная Державо, / Нераздельное Царство, всех благих Вина: / благоволи же и о нас, грешных, / утверди, вразуми сердца наши / и всю нашу отыми скверну. / Просвети нашу мысль, / да вынем славим, поем, и покланяемся, и глаголем: / Един Свят, Един Господь, // Иисус Христос во славу Бога Отца. Аминь.

**Старший читает молитву на принятие Святой воды и просфоры (антидора или артоса):**

Господи Боже наш, да будет дар Твой святы́й и святая Твоя вода во оставление грехов наших в просвещение умов наших, в укрепление душевных и телесных сил наших, во здравие душ и телес наших, в покорение страстей и немощей наших по беспредельному милосердию Твоему, молитвами Пречистыя Твоя Матере и всех святых Твоих.

**Х:** Аминь.

**Далее Старший раздает молящимся просфоры, после чего все запивают Святой водой.**

**Затем хор поет:** Буди имя Господне благословенно от ныне и до века (трижды).

### **Псалом 33<sup>5</sup>**

Благословлю Господа на всякое время, / выну хвала Его во устех моих. / О Господе похвалится душа моя, / да услышат кротцыи и возвеселятся. / Возвеличите Господа со мною / и вознесем имя Его вкупе. / Взысках Господа и услыша мя, / и от всех скорбей моих избави мя. / Приступите к Нему и просветитесь, / и лица ваша не постыдятся. / Сей нищий воззва, / и Господь услыша и, / и от всех скорбей его спасе и. / Ополчится Ангел Господень окрест боящихся Его, / и избавит их. / Вкусите и видите, яко благ Господь; / блажен муж, иже уповае на Нань. / Бойтесь Господа, вси святии Его, / яко несть лишения боящимся Его. / Богатии обнищаша и взалкаша, / взыскающии же Господа не лишатся всякаго блага. / Приидите, чада, послушайте мене, / страху Господню научу вас. / Кто есть человек хотяй живот, / любяй дни видети благи? / Удержи язык твой от зла, / и устне твои, еже не глаголати лъсти. / Уклонися от зла и сотвори благо. / Взыщи мира, и пожени и. / Очи Господни на праведныя, / и уши Его в молитву их. / Лице же Господне на творящыя злая, / еже потребити от земли память их. / Воззваша праведнии, и Господь услыша их, / и от всех скорбей их избави их. / Близ Господь сокрушенных сердцем, / и смиренныя духом спасет. / Многи скорби праведным, / и от всех их избавит их Господь. / Хранит Господь вся кости их, / ни едина от них сокрушится. / Смерть грешников люта, / и ненавидящии праведнаго прегрешат. / Избавит Господь души раб Своих, / и не прегрешат // вси, уповающии на Него.

Достойно есть яко воистинну<sup>6</sup> / блажити Тя, Богородицу, / Присноблаженную и Пренепорочную / и Матерь Бога нашего. / Честнейшую Херувим / и славнейшую без сравнения Серафим, / без истления Бога Слова рождшую, / сущую Богородицу Тя величаем<sup>7</sup>.

<sup>5</sup> Колена расставлены в соответствии с обиходным распевом.

<sup>6</sup> Колена расставлены на восьмой глас.

<sup>7</sup> В дни праздников и по праздниств вместо «Достойно есть» поется задостойник.

Слава, и ныне. Господи, помилуй (трижды). Господи, благослови.

### **Старший говорит мирянский отпуст:**

Воскресый из мертвых<sup>8</sup>, Господи, Иисусе Христе, Сыне Божий, молитвами Пречистыя Твоя Матере, святых славных и всехвальных апостол, святых *(дневной, храмовый или в честь которого освящена часовня или моленная комната, а также святой, память которого совершается)*, ихже *(его же или ея же)* память ныне совершаем, святых и праведных Богоотец Иоакима и Анны и всех святых, помилуй и спаси нас, яко Благ и Человеколюбец.

**Х:** Аминь.

### **Многолетие**

Великого Господина и Отца нашего Кирилла, / Святейшего Патриарха Московского и всея Руси, / и Господина нашего Высокопреосвященнейшаго *(или Преосвященнейшего) (имя)* митрополита *(или архиепископа, или епископа) (наименование кафедры)*, / богохранимую страну нашу Российскую *(или иная другая страна, в которой совершается богослужение)*, / настоятеля, братию и прихожан святого храма сего и вся православныя христиане<sup>9</sup>, // Господи, сохрани их на многая лета.

---

<sup>8</sup> «Воскресый из мертвых» говорится только в воскресный день или в Пасхальный период.

<sup>9</sup> Если богослужение совершается в часовне, в молитвенном доме или на дому, то здесь уместно опустить прошения о настоятеле и братии, а сразу петь: «...богохранимую страну нашу Российскую, / и вся православныя христиане, // Господи, сохрани их...».

## **Чинопоследование обедницы по мирянскому чину в день Светлого Христова Воскресения и на Светлой седмице**

**Старший, придя в молельную комнату, часовню или храм, где будет совершаться Чин обедницы, встает перед специально подготовленным столом, на котором лежат крест, Святое Евангелие, стоят иконы Спасителя (справа) и Божией Матери (слева), в сосуде – Святая вода, на тарели – просфора, антидор или артос (разрезается заранее). Совершаются Старшим молитвы входные.**

Боже, очисти мя, грешнаго (*дважды*). Боже, очисти мя, грешнаго, и помилуй мя.

Молитвами святых отец наших, Господи Иисусе Христе, Боже наш, помилуй нас. Аминь.

Христос воскрес из мертвых, смертью смерть поправ и сущим во гробех живот даровав (*трижды*).

Предварившия утро, яже о Марии, и обретшия камень отвален от гроба, слышаху от Ангела: во свете присносущнем Сущаго с мертвыми что ищите, яко человека? Видите гробныя пелены, тецыте и миру проповедите, яко воста Господь, умертвивый смерть, яко есть Сын Бога, спасающаго род человеческий.

Во гробе плотски, во аде же с душею яко Бог, в раи же с разбойником, и на Престоле был еси Христе, со Отцем и Духом, вся исполняяй, неописанный.

Слава Отцу и Сыну и Святому Духу.

Яко Живоносец, яко Рая краснейший, воистину и чертога всякаго царскаго показася светлейший, Христе, гроб Твой, источник нашего воскресения.

И ныне и присно, и во веки веков. Аминь.

Вышняго освященное Божественное селение, радуйся, Тобою бо дадеся радость, Богородице, зовущим: благословенна Ты в женах еси, Всенепорочная Владычице.

**Лобызая икону Спасителя, говорит:** Пречистому образу Твоему поклоняемся Благий, просяще прощения прегрешений наших, Христе Боже, волею бо благоволил еси плотию взыти на Крест, да избавиши, яже создал еси, от работы вражия. Тем благодарственно вопием Ти: радости исполнил еси вся, Спасе наш, пришедый спасти мир.

**Лобызая икону Божией Матери, говорит:** Милосердия сущи источник, милости сподоби нас, Богородице, призри на люди согрешившия,

яви яко присно силу Твою: на Тя бо уповающе, радуйся вопием Ти, якоже иногда Гавриил безплотных Архистратиг.

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в ночи, яже во уме и в помышлении, вся нам прости, яко Благ и Человеколюбец.

Вниду в дом Твой, поклонюся ко храму святому Твоему в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их, языки своими льщаху. Суди им, Боже, да отпадут от мыслей своих, по множеству нечестия их изрини их, яко преогорчиша Тя, Господи. И да возвеселятся вси, уповающи на Тя, во век возрадуются, и вселишися в них, и похвалятся о Тебе любящими имя Твое. Яко Ты благословиши праведника, Господи: яко оружием благоволения венчал еси нас.

**Старший делает поклоны и прикладывается  
ко Святому Евангелию и Кресту.**

**Затем поются Часы Пасхи.**

**Старший, встав, молится тихо:**

Христос воскрес из мертвых, смертию смерть поправ и сущим во гробех живот даровав (читается трижды, после каждого тропаря - поясной поклон).

Слава в вышних Богу, и на земли мир, в человецех благоволение (трижды) –  
поясной поклон.

Господи, устне мои отверзеши, и уста моя возвестят хвалу Твою (дважды) –  
поясной поклон.

**С (громко):** Молитвами святых отец наших, Господи, Иисусе Христе, Боже наш, помилуй нас.

**Х:** Аминь.

**С (стих):** Да воскреснет Бог и расточатся врази Его.

**Х:** Тропарь Пасхи.

**С (стих):** Яко исчезает дым, да исчезнут, яко тает воск от лица огня.

**Х:** Тропарь Пасхи.

**С (стих):** Тако да погибнут грешницы от Лица Божия, а праведницы да возвеселятся.

**Х:** Тропарь Пасхи.

**С (стих):** Сей день, егоже сотвори Господь, возрадуемся и возвеселимся в онь.

**Х:** Тропарь Пасхи.

**С:** Слава Отцу и Сыну и Святому Духу.

**Х:** Тропарь Пасхи.

**С:** И ныне и присно, и во веки веков. Аминь.

**Х:** Тропарь Пасхи.

*Старший всех приветствует: «Христос воскрес», а народ отвечают: «Воистину воскрес».*

**Припев:** Тропарь Пасхи (единожды).

*Если старшим служит диакон, то произносит мирную ектению по Служебнику, возглас – «Молитвами святых отец наших...». Если старшим является мирянин, чтец или иподиакон, сразу начинается петься антифон.*

### **Антифон первый, глас 2:**

**Стих 1:** Воскликните Господеви вся земля, / пойте же имени Его, дадите славу хвале Его.

**Припев:** Молитвами Богородицы, Спасе, / спаси нас.

**Стих 2:** Рцыте Богу: коль страшна дела Твоя, / во множестве силы Твоя солжут Тебе врази Твои.

**Припев:** Молитвами Богородицы, Спасе / спаси нас.

**Стих 3:** Вся земля да поклонится Тебе, / и поет Тебе, да поет же имени Твоему Вышний.

**Припев:** Молитвами Богородицы, Спасе / спаси нас.

Слава, и ныне.

**Припев:** Молитвами Богородицы, Спасе / спаси нас.

*Если старшим является диакон, то произносит малую ектению по Служебнику, возглас – «Молитвами святых отец наших...». Если старшим является мирянин, чтец или иподиакон, сразу начинается петься второй антифон.*

### **Антифон второй, глас 2:**

**Стих 1:** Боже, ущедри ны, и благослови ны, / просвети лице Твое на ны, и помилуй ны.

**Припев:** Спаси ны, Сыне Божий, воскресый из мертвых, / поющия Ти: Аллилуиа.

**Стих 2:** Да познаем на земли путь Твой, / во всех языцех спасение Твое.

**Припев:** Спаси ны, Сыне Божий, воскресый из мертвых, / поющия Ти: Аллилуиа.

**Стих 3:** Да исповедятся Тебе людие Боже, / да исповедятся Тебе людие вси.

**Припев:** Спаси ны, Сыне Божий, воскресый из мертвых, / поющия Ти: Аллилуиа.

Слава, и ныне: Единородный Сыне...

*Если старшим служит диакон, то произносит малую ектению по Служебнику, возглас – «Молитвами святых отец наших...». Если старшим является мирянин, чтец или иподиакон, сразу начинается петься третий антифон.*

### **Антифон третий, глас 5:**

**Стих 1:** Да воскреснет Бог, и расточатся врази Его, / и да бежат от лица Его ненавидящии Его.

**Припев:** Христос воскрес из мертвых, / смертию смерть поправ / и сущим во гробех живот даровав (единожды).

**Стих 2:** Яко исчезает дым, да исчезнут, / яко тает воск от лица огня.

**Припев:** Христос воскрес из мертвых, / смертию смерть поправ / и сущим во гробех живот даровав (единожды).

**Стих 3:** Тако да погибнут грешницы от лица Божия, / а праведницы да возвеселятся, да возрадуются пред Богом.

**Припев:** Христос воскрес из мертвых, / смертию смерть поправ / и сущим во гробех живот даровав (единожды).

### **Тропарь Пасхи, глас 5:**

Христос воскрес из мертвых, / смертию смерть поправ / и сущим во гробех живот даровав.

### **Ипакои, глас 4:**

Предварившия утро, яже о Марии, / и обретшия камень отвален от гроба, / слышаху от Ангела: во свете присносущнем Суцаго / с мертвыми что ищите, яко человека? / Видите гробныя пелены, тецыте и миру проповедите, / яко

воста Господь, умертвивый смерть, / яко есть Сын Бога, спасающаго род человеческий.

Слава Отцу и Сыну и Святому Духу, ныне и присно, и во веки веков.  
Аминь.

### **Кондак, глас 8:**

Аще и во гроб снизшел еси, Безсмертне, / но адову разрушил еси силу / и воскресл еси, яко Победитель, Христе Боже, / женам мироносицам вещавый: радуйтесь! / И Твоим апостолом мир даруй, / падшим подай воскресение.

**Далее поется «Елицы во Христа креститесь...» по следующей схеме:**

Елицы во Христа креститесь, во Христа облекостесь: Аллилуиа  
(трижды).

Слава Отцу и Сыну и Святому Духу, и ныне и присно, и во веки веков.  
Аминь.

Во Христа облекостесь: Аллилуиа.

Елицы во Христа креститесь, во Христа облекостесь: Аллилуиа  
(единожды).

*Если старшим служит диакон, то в своих местах произносит «Премудрость» и «Вонмем». Мирянин, чтец и иподиакон данные слова не возглашают.*

### *Чтение Апостола*

### **В день Светлого Христова Воскресения:**

**Прокимен, глас 8:** Сей день егоже сотвори Господь, / возрадуемся и возвеселимся вонь.

**Стих:** Исповедайтесь Господеви, яко благ, яко в век милость Его.

### **Деяний святых Апостол чтение:**

Первое убо слово сотворих о всех, о Феофиле, яже начат Иисус творити же и учити. Даже до дне, воньже, заповедав Апостолом Духом Святым, ихже избра, вознесся. Пред нимиже и постави Себе жива по страдании Своем, во мнозех [истинных] знамениих, деньми чetyредесятьми являясь им, и глаголя яже о Царствии Божии: С нимиже и ядый, повеле им от Иерусалима не отлучатися, но ждати обетования Отча, еже слышасте от Мене: яко Иоанн убо крестил есть водою, вы же имате креститися Духом Святым, не по мнозех сих днех. Они же убо сошедшеса, вопрошаху Его, глаголюще: Господи, аще в лето



сие устраеши царствие Израилево? Рече же к ним: несть ваше разумети времена и лета, яже Отец положи во Своей власти: Но примете силу, нашедшу Святому Духу на вы, и будете Ми свидетели во Иерусалиме же и во всей Иудеи и Самарии, и даже до последних земли. **Зачало 1**

**Аллилуиа, глас 4:** Ты воскрес ущедриши Сиона.

**Стих:** Господь с Небесе на землю призре.

### **В понедельник Светлой седмицы:**

**Прокимен, глас 8:** Во всю землю изыде вещание их, / и в концы вселенных глаголы их.

**Стих:** Небеса поведают славу Божию, творение же руку Его возвещает твердь.

### **Деяний святых Апостол чтение:**

Во дни оны, возвратишася апостоли во Иерусалим от горы нарицаемая Елеон, яже есть близ Иерусалима, субботы имущия путь. И егда внидоша, възыдоша на горницу, идеже бяху пребывающе, Петр же и Иаков, и Иоанн и Андрей, Филипп и Фома, Варфоломей и Матфей, Иаков Алфеев и Симон Зилот и Иуда Иаковль. Сии вси бяху терпяще единодушно в молитве и молении, с женами и Марию Материю Иисусовою и с братиею Его. И во дни тья востав Петр посреде ученик, рече, бе же имен народа вкупе яко сто и двадесять: мужие братие, подобаше скончати Писанию сему, еже предрече Дух Святый усты Давидовыми о Иуде, бывшем вожди емшим Иисуса, яко причтен бе с нами и приял бяхе жребий службы сея, подобает убо от сходящихся с нами мужей во всяко лето, в неже вниде и изыде в нас Господь Иисус, начен от крещения Иоаннова даже до дне, в оньже вознесся на небо от нас, свидетелю воскресения Его быти с нами единому от сих. И поставиша два, Иосифа нарицаемаго Варсаву, иже наречен бысть Иуст, и Матфия, и помолившеся реша: Ты, Господи, Сердцеведче всех, покажи, егоже избрал еси от сею двою одинаго, прияти жребий служения сего и апостольства, из негоже испаде Иуда, ити в место свое. И даша жребия има, и паде жребий на Матфия, и причтен бысть ко единонадесяти апостолом. **Зачало 2**

**Аллилуиа, глас 1:** Исповедят Небеса чудеса Твоя, Господи.

**Стих:** Бог прославляемь в совете святых.

### **Во вторник Светлой седмицы**

**Прокимен, глас 3. Песнь Богородицы:** Величит душа Моя Господа, / и возрадовася дух Мой о Бозе, Спасе Моем.

**Стих:** Яко призре на смирение рабы Своея: се бо от ныне ублажат Мя вси роди.

### **Деяний святых Апостол чтение**

Во дни оны, став Петр со единонадесятьми, воздвиже глас свой и рече им: мужие Иудейстии и живущии во Иерусалиме вси, сие вам разумно да будет, и внушите глаголы моя, не бо, якоже вы непщуете, сии пияни суть, есть бо час третий дне, но сие есть реченное пророком Иоилем: и будет в последния дни, глаголет Господь, излию от Духа Моего на всяку плоть, и прорекут сынове ваши и дщери ваша, и юноши ваши видения узрят, и старцы ваши сония видят, ибо на рабы Моя и на рабыни Моя во дни оны излию от Духа Моего, и прорекут, и дам чудеса на небеси горе и знамения на земли низу, кровь и огонь и курение дыма. Солнце преложится во тьму, и луна в кровь, прежде даже не приити дню Господню великому и просвещенному. И будет, всяк, иже аще призовет имя Господне, спасется. **Зачало 4**

**Аллилуиа, глас 8:** Воскресни, Господи, в покой Твой, Ты и кивот святыни Твоея.

**Стих:** Клятсся Господь Давиду истиною и не отвержется ея.

### **В среду Светлой седмицы**

**Прокимен, глас 6:** Помяну имя Твое / во всяком роде и роде.

**Стих:** Слыши, Дщи, и виждь, и приклони ухо Твое.

### **Деяний святых Апостол чтение**

Во дни оны, рече Петр к людем: мужие Израильстии, послушайте словес сих: Иисуса Назореа, Мужа от Бога извествовавна в вас силами и чудесы и знамении, яже сотвори Тем Бог посреде вас, якоже и сами весте, Сего нарекованным советом и проразумением Божиим предана приемше, руками беззаконных пригвождше убисте: Егоже Бог воскреси, разрешив болезни смертныя, якоже не бяше мощно держиму быти Ему от нея. Давид бо глаголет о Нем: предзрех Господа предо мною выну, яко одесную мене есть, да не подвижуся: сего ради возвеселися сердце мое, и возрадовася язык мой: еще же и плоть моя вселится на уповании, яко не оставиши души моя во аде, ниже даси преподобному Твоему видети истления: сказал ми еси пути живота: исполниши мя веселия с лицом Твоим. Мужие братие, достоин реши с дерзновением к вам о патриарсе Давиде, яко и умре и погребен бысть, и гроб его есть в нас даже до дне сего: пророк убо сый и ведый, яко клятвою клятсся ему Бог от плода чресл его по плоти воздвигнути Христа и посадити Его на престоле его, предвидев глагола о воскресении Христове, яко не оставися душа Его во аде, ни плоть Его виде истления. Сего Иисуса воскреси Бог, емуже

вси мы есмы свидетелие. Десницею убо Божию вознесся, и обетование Святаго Духа приемь от Отца, излиа сие, еже вы ныне видите и слышите. Не бо Давид възиде на небеса, глаголет бо сам: рече Господь Господеви моему: седи одесную Мене, дондеже положу враги Твоя подножие ног Твоих. Твердо убо да разумеет весь дом Израилев, яко и Господа и Христа его Бог сотворил есть, Сего Иисуса, Егоже вы распясте. **Зачало 5**

**Аллилуиа, глас 2:** Величит душа Моя Господа, и возрадовася дух Мой о Бозе, Спасе Моем.

**Стих:** Яко призре на смирение рабы Своея: се бо от ныне ублажат Мя вси роди.

### **В четверг Светлой седмицы**

**Прокимен, глас 3:** Пойте Богу нашему, пойте, / пойте Цареву нашему, пойте.

**Стих:** Вси языцы воспещите руками, воскликните Богу гласом радования.

### **Деяний святых Апостол чтение**

Во дни оны, рече Петр к людем: покайтесь, и да крестится кийждо вас во имя Иисуса Христа во оставление грехов, и примете дар Святаго Духа. Вам бо есть обетование и чадом вашим и всем дальним, елики аще призовет Господь Бог наш. И иными словесы множайшими засвидетельствоваше и моляше я, глаголя: спаситесь от рода строптиваго сего. Уже убо любезно прияша слово его, крестися, и приложишася в день той душ яко три тысяцы. Бяху же терпяще во учении Апостол и во общении и в преломлении хлеба и в молитвах. Бысть же на всякой души страх: многа бо чудеса и знамения Апостолы быша во Иерусалиме. **Зачало 6**

**Аллилуиа, глас 4:** Наляцы, и успевай, и царствуй истины ради и кротости, и правды.

**Стих:** Возлюбил еси правду, и возненавидел еси беззаконие.

### **В пятницу Светлой седмицы**

**Прокимен, глас 8:** Во всю землю изыде вещание их, / и в концы вселенных глаголы их.

**Стих:** Небеса поведают славу Божию, творение же руку Его возвещает твердь.

## Деяний святых Апостол чтение

Во дни оны, вкупе Петр и Иоанн восхождаста во святилище на молитву в час девятый. И некий муж, хром от чрева матере своея сый, носимъ бываше, егоже полагаху по вся дни пред дверьми церковными, рекомыми Красными, просити милостыни от входящих в церковь. Иже видев Петра и Иоанна хотящяя внити в церковь, прошаше милостыни. Возрев же Петр нань со Иоанном, рече: возри на ны. Он же прилежаше има, мня нечто от нею прияти. Рече же Петр: сребра и злата несть у мене, но еже имам, сие ти даю, во имя Иисуса Христа Назореа востани и ходи. И емь его за десную руку воздвиже, абие же утвердистесь его плесне и глезне, и вскочив ста и хождаше, и вниде с нима в церковь, ходя и скача и хваля Бога. **(Зачало 7)**

*В пятницу Светлой седмицы совершает память иконы Божией Матери «Живоносный Источник», потому читается зачало Богородице*

*Послание к Филипписием<sup>10</sup>*

Братие, сие да мудрствуется в вас, еже и во Христе Иисусе, Иже во образе Божии сый, не восхищением непщева быти равен Богу. Но Себе умалил, зрак раба прием, в подобии человечестем быв, и образом обретесе якоже человек. Смирил Себе, послушлив быв даже до смерти, смерти же крестныя. Темже и Бог Его превознесе и дарова Ему имя, еже паче всякаго имене, да о имени Иисусове всяко колено поклонится небесных и земных и преисподних, и всяк язык исповестъ, яко Господь Иисус Христос в славу Бога Отца.

**Аллилуиа, глас 1:** Исповедят небеса чудеса Твоя, Господи.

**Стих:** Бог прославляемъ в совете святых. Стих: Слыши, Дщи, и виждь, и приклони ухо Твое.

## В субботу Светлой седмицы

**Прокимен, глас 3:** Господь просвещение мое и Спаситель мой, / кого убоюся?

**Стих:** Господь защититель живота моего, от кого утрашуся?

## Деяний святых Апостол чтение

Во дни оны, держащяся исцелешему хрому Петра и Иоанна, притекоша к нима вси людие в притвор, нарицаемый Соломонов, ужасни. Видев же Петр отвещаваше к людем: мужие Израильтяне, что чудитесь о сем, или на ны что взираете, яко своею ли силою или благочестием сотворихом его

---

<sup>10</sup> При чтении двух зачал, название книги второго послания не читается.

ходити? Бог Авраамов и Исааков и Иаковль, Бог отец наших, прослави Отрока Своего Иисуса, Егоже вы предасте, и отвергостесь Его пред лицом Пилатовым, суждъшу Оному пустити. Вы же Святаго и Праведнаго отвергостесь, и испросисте мужа убийцу дати вам, Началника же жизни убисте, Егоже Бог воскреси от мертвых, емуже мы свидетелие есмы. И о вере имене Его, сего, егоже видите и знаете, утверди имя Его, и вера, яже Его ради, даде ему всю целость сию пред всеми вами. **Зачало 8**

**Аллилуиа, глас 5:** Господь воцарися, в лепоту облечеса.

**Стих:** Ибо утверди вселенную, яже не подвижится.

\*\*\*

### **Старший читает молитву перед чтением Святого Евангелия:**

Возсияй в сердцах наших, Человеколюбче Владыко, Твоего Богоразумия нетленный свет, и мысленныя наши отверзи очи, во Евангельских Твоих проповеданий разумение. Вложи в нас и страх блаженных Твоих заповедей, да плотския похоти вся поправше, духовное жительство пройдем, вся, яже ко благоугождению Твоему, и мудрствующе и деюще. Ты бо еси прсвещение душ и телес наших, Христе Боже, и Тебе славу возсылаем, со Безначальным Твоим Отцем, и Пресвятым, и Благим, и Животворящим Твоим Духом, ныне и присно, и во веки веков. Аминь.

**С:** От Иоанна Святаго Евангелия чтение.

**Х:** Слава Тебе, Господи, слава Тебе.

*Чтения Святого Евангелия*

### **В день Светлого Христова Воскресения**

#### **От Иоанна Святаго Евангелия чтение**

В начале бе Слово, и Слово бе к Богу, и Бог бе Слово. Сей бе искони к Богу. Вся Тем быша, и без Него ничтоже бысть, еже бысть. В Том живот бе, и живот бе свет человеком. И свет во тьме светится, и тьма его не объят. Бысть человек послан от Бога, имя ему Иоанн. Сей прииде во свидетельство, да свидетельствует о Свете, да вси веру имут Ему. Не бе той свет, но да свидетельствует о Свете. Бе Свет истинный, Иже просвещает всякаго человека грядущаго в мир. В мире бе, и мир Тем бысть, и мир Его не позна. Во своя прииде, и свои Его не прияша. Елицы же прияша Его, даде им область чадом Божиим быти, верующим во имя Его. Иже не от крове, ни от похоти плотския, ни от похоти мужеския, но от Бога родишася. И Слово плоть бысть, и вселися в ны, и видехом славу Его, славу яко Единороднаго от Отца, исполнь благодати и истины. Иоанн свидетельствует о Нем и воззва, глаголя: Сей бе,

Егоже рех, Иже по мне Грядый, предо мною бысть, яко первее мене бе. И от исполнения Его мы вси прияхом, и благодать воз благодать: Яко закон Моисеом дан бысть, благодать же и истина Иисус Христом бысть. **(Зачало 1)**

### **В Светлый Понедельник**

#### **От Иоанна Святаго Евангелия чтение**

Бога никтоже виде нигдеже, Единородный Сын, сый в лоне Отчи, Той исповеда. И сие есть свидетелство Иоанново, егда послаша Жидове от Иерусалима иереев и левитов, да вопросят его: ты кто еси? И исповеда и не отвержеся, и исповеда, яко несмь аз Христос. И вопросиша его: что убо? Илиа ли еси ты? И глагола: несмь. Пророк ли еси? И отвеща: ни. Реша же ему: кто еси? Да ответ дамы пославшим ны, что глаголеши о тебе самем? Рече: аз глас вопиющаго в пустыни, исправите путь Господень, якоже рече Исаиа пророк. И посланнии беху от фарисей, и вопросиша его и реша ему: что убо крещаеши, аще ты неси Христос, ни Илиа, ни пророк? Отвеща им Иоанн, глагола: аз крещая водою, посреде же вас стоит, Егоже вы не весте, Той есть Грядый по мне, Иже предо мною бысть, Емуже несмь аз достоин, да отрешу ремень сапогу Его. Сия в Вифаваре быша об он пол Иордана, идеже бе Иоанн крестя. **(Зачало 2)**

### **В Светлый Вторник**

#### **От Луки Святаго Евангелия чтение**

Во время оно, Петр востав тече ко гробу и приник виде ризы едины лежащая, и отиде, в себе дивяся бывшему. И се, два от них беста идуща в тойже день в весь отстоящу стадий шестьдесят от Иерусалима, ейже имя Еммаус, и та беседоваста к себе о всех сих приключшихся. И бысть беседующема има и совопрошающемася, и Сам Иисус приближився идяше с нима, очи же ею держастеся, да Его не познаета. Рече же к нима: что суть словеса сия, о нихже стязаетася к себе идуща, и еста дряхла? Отвещав же един, емуже имя Клеопа, рече к Нему: Ты ли един пришлец еси во Иерусалим, и не уведел еси бывших в нем во дни сия? И рече има: киих? Она же реста Ему: яже о Иисусе Назарянине, Иже бысть муж пророк, силен делом и словом пред Богом и всеми людьми, како предаша Его архиерее и князи наши на осуждение смерти и распяша Его. Мы же надеяхомся, яко Сей есть хотя избавити Израиля, но и над всеми сими, третий сей день есть днесь, отнелиже сия быша. Но и жены некия от нас ужасиша ны, бывшыя рано у гроба, и не обретшы телесе Его, приидоша, глаголюща, яко и явление Ангел видеша, иже глаголют Его жива. И идоша нецый от нас ко гробу и обретоша тако, якоже и жены реша, Самаго же не видеша. И Той рече к нима: о несмысленная и косная сердцем, еже веровати о всех, яже глаголаша пророцы. Не сия ли подобаше пострадати Христу и внити

в славу Свою? И начен от Моисея и от всех пророк, сказалше има от всех Писаний яже о Нем. И приближишася в весь, в нюже идяста, и Той творяшеся далечайше ити. И нуждаста Его, глаголюща: облязи с нама, яко к вечеру есть, и приклонился есть день. И вниде с нима облеци. И бысть яко возлеже с нима, и приим хлеб благослови, и преломив даяше има. Онема же отверзостеся очи, и познаста Его, и Той невидимь бысть има. И рекоста к себе: не сердце ли наю горя бе в наю, егда глаголаше нама на пути и егда сказоваше нама Писания? И воставша в той час, возвратистася во Иерусалим и обретоста совокупленных единонадесяте и иже бяху с ними, глаголющих, яко воистинну воста Господь и явися Симону. И та поведаста, яже быша на пути, и яко познася има в преломлении хлеба. **Зачало 113**

### **В Светлую Среду**

#### **От Иоанна Святаго Евангелия чтение**

Во время оно, стояше Иоанн, и от ученик его два. И узрев Иисуса грядуща, глагола: се, Агнец Божий. И слышаста его оба ученика глаголющаго, и по Иисусе идоста. Обращься же Иисус и виде я по Себе идуща, глагола има: чесо ищета? Она же реста Ему: Равви, еже глаголется сказаемо учителю, где живеши? И глагола има: приидита и видита. Приидоста и видеста, где живяше, и у Него пребыста день той. Бе же час яко десятый. Бе же Андрей, брат Симона Петра, един от обою слышавшею от Иоанна и по Нем шедшею. Обрете сей прежде брата своего Симона и глагола ему: обретохом Мессию, еже есть сказаемо Христос. И приведе его ко Иисусови. Воззрев же нань Иисус рече: ты еси Симон сын Ионин, ты наречешися Кифа, еже сказается Петр. Во утрий же восхоте изыти в Галилею, и обрете Филиппа и глагола ему: гряди по Мне. Бе же Филипп от Вифсаиды, от града Андреова и Петрова. Обрете Филипп Нафанаила и глагола ему: Егоже писа Моисей в законе и пророцы, обретохом Иисуса сына Иосифова, иже от Назарета. И глагола ему Нафанаил: от Назарета может ли что добро быти? Глагола ему Филипп: прииди и виждь. Виде же Иисус Нафанаила грядуща к Себе и глагола о нем: се, воистинну Израилтянин, в немже льсти несть. Глагола Ему Нафанаил: како мя знаеши? Отвеща Иисус и рече ему: прежде даже не возгласи тебе Филипп, суща под смоковницею видех тя. Отвеща Нафанаил и глагола Ему: Равви, Ты еси Сын Божий, Ты еси Царь Израилев. Отвеща Иисус и рече ему: зане рех ти, яко видех тя под смоковницею, веруеши, больша сих узриши. И глагола ему: аминь, аминь глаголю вам, отселе узрите небо отверсто и Ангелы Божия восходящыя и нисходящыя над Сына Человеческаго. **Зачало 4**

### **В Светлый Четверг**

#### **От Иоанна Святаго Евангелия чтение**

Во время оно, человек некий бе от фарисей, Никодим имя ему, князь Жидовский. Сей прииде ко Иисусу нощию и рече Ему: Равви, вем, яко от Бога пришел еси учитель, никтоже бо может знамений сих творити, яже Ты твориши, аще не будет Бог с ним. Отвеща Иисус и рече ему: аминь, аминь глаголю тебе: аще кто не родится свыше, не может видети Царствия Божия. Глагола к Нему Никодим: како может человек родиться стар сый? Еда может второе внити во утробу матере своея и родиться? Отвеща Иисус: аминь, аминь глаголю тебе, аще кто не родится водою и Духом, не может внити во Царствие Божие. Рожденное от плоти плоть есть, и рожденное от Духа дух есть. Не дивися, яко рех ти, подобает вам родиться свыше. Дух, идеже хочет, дышет, и глас его слышиши, но не веши, откуда приходит и камо идет, тако есть всяк человек рожденный от Духа. Отвеща Никодим и рече Ему: како могут сия быти? Отвеща Иисус и рече ему: ты еси учитель Израилев, и сих ли не веши? Аминь, аминь глаголю тебе, яко, еже вемы, глаголем, и еже видехом, свидетелствуем, и свидетельства Нашего не приемлете. Аще земная рекох вам, и не веруете, како, аще реку вам небесная, уверуете? И никтоже взыде на небо, токмо сшедый с небесе Сын Человеческий, сый на небеси. И якоже Моисей вознесе змию в пустыни, тако подобает вознестися Сыну Человеческому, да всяк веруяй в Онъ не погибнет, но имать живот вечный. **Зачало 8**

### **В Светлую Пятницу**

#### **От Иоанна Святаго Евангелия чтение**

Во время оно, сниде Иисус в Капернаум Сам и Мати Его, и братия Его и ученицы Его, и ту не многи дни пребыша. И близ бе Пасха Иудейска, и взыде во Иерусалим Иисус и обрете в церкви продающая овцы и волы и голуби, и пеняжники сидящия. И сотворив бичь от вервий, вся изгна из церкви, овцы и волы, и торжником разсыпа пенязи и дски опроверже. И продающим голуби рече: возмите сия отсюду и не творите дому Отца Моего дому купленаго. Помянуша же ученицы Его, яко писано есть: жалость дому Твоего снести Мя. Отвещаша же Иудее и реша Ему: кое знамение являеши нам, яко сия твориши? Отвеща Иисус и рече им: разорите церковь сию, и тремя денми воздвигну ю. Реша же Иудее: четьредесять и шестию лет создана бысть церковь сия, и Ты ли тремя денми воздвигнеши ю? Он же глаголаше о церкви тела Своего. Егда убо воста от мертвых, помянуша ученицы Его, яко се глаголаше, и вероваша Писанию и словеси, еже рече Иисус. **Зачало 7**



## От Луки Святое Евангелие<sup>11</sup>

Во время оно, вниде Иисус в весь некую, жена же некая именем Марфа прият Его в дом свой. И сестра ей бе нарицаемая Мария, яже и седши при ногу Иисусову, слышаше слово Его. Марфа же молвяше о мнозе службе, ставши же рече: Господи, не брежеш ли, яко сестра моя едину мя остави служити; рцы убо ей, да ми поможет. Отвещав же Иисус, рече ей: Марфо, Марфо, печешися и молвиши о мнозе. Едино же есть на потребу. Мария же благу часть избра, яже не отыметя от нея. Бысть же егда глаголаше сия, воздвигши некая жена глас от народа, рече Ему: блажено чрево носившее Тя, и сосца, яже еси ссал. Он же рече: темже убо блажени слышащии слово Божие, и хранящии е.

**(Зачало 54)**

### В Светлую Субботу

#### От Иоанна Святаго Евангелия чтение

Во время оно, прииде Иисус и ученицы Его в Жидовскую землю, и ту живяше с ними и крещаше. Бе же Иоанн крестя во Еноне близ Салима, яко воды многи бяху ту, и прихождаху и крещахуся. Не убо бе всажден в темницу Иоанн. Бысть же стязание от ученик Иоанновых со Иудеи о очищении. И приидоша ко Иоанну и рекоша ему: равви, Иже бе с тобою об он пол Иордана, Емуже ты свидетелствовал еси, се, Сей крещает, и вси грядут к Нему. Отвеща Иоанн и рече: не может человек приимати ничесоже, аще не будет дано ему с небесе. Вы сами мне свидетелствуете, яко рех: несмы аз Христос, но яко послан есмь пред Ним. Имеяй невесту жених есть, а друг женихов, стоя и послушая его, радостию радуется за глас женихов, сия убо радость моя исполнися. Оному подобает расти, мне же малитися. Грядый свыше над всеми есть, сый от земли от земли есть и от земли глаголет, Грядый с небесе над всеми есть. И еже виде и слыша, сие свидетелствует, и свидетельства Его никтоже приемлет. Приемый Его свидетелство верова, яко Бог истинен есть. **(Зачало 11)**

\*\*\*

**Х:** Слава Тебе, Господи, слава Тебе. И далее следующие молитвословия поются: Помяни нас, Господи, егда приидеши во Царствии Твоем.

Помяни нас, Владыко, егда приидеши во Царствии Твоем.

Помяни нас, Святой, егда приидеши во Царствии Твоем.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоя.

---

<sup>11</sup> Евангелие от Луки читается из-за того, что в Светлую Пятницу совершается память Божией Матери в честь Ее иконы «Живоносный Источник». При чтении двух зачал, наименование Евангелия второго отрывка не читается.

**Стих:** Приступите к Нему и просветитесь, и лица ваша не постыдятся.

Лик Небесный поет Тя и глаголет: Свят, Свят, Свят Господь Саваоф, исполнь Небо и земля славы Твоя.

**Слава:** Лик святых Ангел и Архангел со всеми Небесными силами поет Тя и глаголет: Свят, Свят, Свят Господь Саваоф, исполнь Небо и земля славы Твоя.

**И ныне и присно, и во веки веков. Аминь.**

Верую во единого Бога Отца Вседержителя, / Творца небу и земли, видимым же всем и невидимым. / И во единого Господа Иисуса Христа, Сына Божия, / Единородного, Иже от Отца рожденного прежде всех век. / Света от Света, Бога истинна от Бога истинна, / рожденна, несотворенна, единосущна Отцу, Имже вся быша. / Нас ради человек и нашего ради спасения сшедшаго с небес / и воплотившагося от Духа Свята и Марии Девы и вочеловечшася. / Распятого же за ны при Понтийстем Пилате, / и страдавша, и погребенна. И воскресшаго в третий день по Писанием. / И возшедшаго на Небеса, и сидяща одесную Отца. / И паки грядущаго со славою судити живым и мертвым, Егоже Царствию не будет конца. / И в Духа Святаго, Господа, Животворящаго, Иже от Отца исходящаго, / Иже со Отцем и Сыном спокланяема и сславима, глаголавшаго пророки. / Во едину Святую, Соборную и Апостольскую Церковь. / Исповедую едино крещение во оставление грехов. / Чаю воскресения мертвых, / и жизни будущаго века. Аминь.

**С:** Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении, вся нам прости, яко Благ и Человеколюбец.

**Х:** Отче наш, / Иже еси на Небесех, / да святится имя Твое, да приидет Царствие Твое, / да будет воля Твоя, яко на Небеси и на земли. / Хлеб наш насущный даждь нам днесь; / и остави нам долги наша, якоже и мы оставляем должником нашим; / и не введи нас во искушение, // но избави нас от лукаваго.

**С:** Молитвами святых отец наших...

**Х:** Аминь.

**Далее поется на пятый глас:** Всесвятая Троице, Единосущная Державо, / Нераздельное Царство, всех благих Вина: / благоволи же и о нас, грешных, / утверди, вразуми сердца наши / и всю нашу отыми скверну. / Просвети нашу мысль, / да вынем славим, поем, и покланяемся, и глаголем: / Един Свят, Един Господь, // Иисус Христос во славу Бога Отца. Аминь.

**Старший читает молитву на принятие Святой воды и просфоры (антидора или артоса):** Господи Боже наш, да будет дар Твой святыи и святая

Твоя вода во оставление грехов наших в просвещение умов наших, в укрепление душевных и телесных сил наших, во здравие душ и телес наших, в покорение страстей и немощей наших по беспредельному милосердию Твоему, молитвами Пречистыя Твоея Матере и всех святых Твоих. Аминь.

**Далее Старший раздает молящимся просфоры, после чего все запивают Святой водой.**

**Затем поется тропарь Пасхи двенадцать раз, после чего – Задостойник, глас 1:** Ангел вопияше Благодатней: / Чистая Дево, радуйся! / И паки реку: радуйся! / Твой Сын воскресе / тридневен от гроба, / и мертвыя воздвигнувый: / людие, веселитесь.

Светися, светися, / новый Иерусалиме: / слава бо Господня / на тебе возсия. / Ликуй ныне / и веселися, Сионе. / Ты же, Чистая, красуйся, Богородице, / о востании Рождества Твоего.

Христос воскресе из мертвых, / смертью смерть поправ / и сущим во гробех живот даровав (трижды).

**Старший говорит отпуст по мирянскому чину:** Воскресый из мертвых, смертью смерть поправый и сущим во гробех живот даровавый, Господи, Иисусе Христе, Сыне Божий, молитв ради Пречистыя Твоея Матере и всех святых, помилуй и спаси нас, яко Благ и Человеколюбец.

*И приветствует Старший насхальным приветствием всех молящихся: «Христос воскресе» (трижды). Народ трижды отвечает: «Воистину воскрес!»*

### **Многолетие:**

Великого Господина и Отца нашего Кирилла, / Святейшего Патриарха Московского и всея Руси, / и Господина нашего Высокопреосвященнейшаго (или Преосвященнейшего) (имя) митрополита (или архиепископа, или епископа) (наименование кафедры), / богохранимую страну нашу Российскую (или иная другая страна, в которой совершается богослужение), / настоятеля, братию и прихожан святого храма сего и вся православныя христианы<sup>12</sup>, // Господи, сохрани их на многая лета.

**Далее может совершаться крестный ход.**

---

<sup>12</sup> Если богослужение совершается в часовне, в молитвенном доме или на дому, то здесь уместно опустить прошения о настоятеле и братии, а сразу петь: «...богохранимую страну нашу Российскую, / и вся православныя христианы, // Господи, сохрани их...».

## **Чин обедницы в жизни православных мирян: краткая историческая справка и применение (пояснительная заметка)**

Одной из «темных» тем, которая никак не отражена на начало XXI века в литургической науке, является проблема богослужений, которые совершаются самими мирянами, когда по уважительной причине священник не может прибыть на приходе или христиане, путешествующие в местах, где нет поблизости православного храма. В городах России, где есть хотя бы одна церковь, мирянские богослужения не востребованы, потому жителям таких поселений, которые являются активными прихожанами или священно- и церковнослужителями, сложно понять, для чего данные чины нужны. Нередко при поднятии данной темы люди начинают говорить, что если службы из Часослова (вечерня, утреня, часы, молебн и т.д.) совершаются не священником, то данные лица якобы являются представителями сект или старообрядцами.

Конечно, это неверное представление. Миряне достаточно давно совершали и на дому<sup>13</sup>, и в храмах или часовнях<sup>14</sup> службы суточного круга, если отсутствовал священник или в качестве келейного правила (напомню, что молитвословы - явление, которое намного моложе Часослова и изложенных там богослужений). Потому здесь ничего страшного нет. Сейчас мирянский чин используется и в России (обычно в областях за Уральскими горами), и в странах, где только начинается проповедь Православной веры, иерей там – гость редкий.

Чин обедницы по мирянскому чину – богослужение, которое совершается в том случае, когда в храме по каким-то причинам не совершается Божественная Литургия в день общего собрания людей на приход, отсутствует священник. Конечно, ничто не может заменить Евхаристию. Однако в тех случаях, когда совершение Таинства невозможно, Обедница становится неким напоминанием о главном богослужении Православной Церкви.

Текст Обедницы содержится в Часослове под названием «Изобразительны». Торжественно данное последование в Русской Церкви не совершалось, хотя имеет свою историю. В лавре преподобного Саввы Освященного и других палестинских монастырях монахи-келлиоты

---

<sup>13</sup> См. IV. Поминовение усопших на домашней молитве // Афанасий (Сахаров), еп. О поминовении усопших по Уставу Православной Церкви. – Киев: Общество любителей православной литературы Издательство имени святителя Льва, папы Римского, 2008. С.465.

<sup>14</sup> См. Климент (Капалин), митр. Калужский и Боровский. Миряне в распространении Русской духовной культуры среди коренного населения Аляски // Вестник Тамбовского Университета (Серия: Гуманитарные науки), №5(121)/2013. – Тамбов: Тамбовский государственный университет им. Г.Р. Державин, 2013. С.235. См. Перемилловская А.Б. Деревянные часовни в православных традициях Русского Севера и Арктики // Вестник ПСТГУ. Серия V: Вопросы истории и теории христианского искусства. №27. М.: Издательство ПСТГУ, 2017. С.75 и 77.

приходили в храм на богослужение только один раз в неделю или удалялись ради постных подвигов в пустыню от праздника Крещения Господня до Пасхи<sup>15</sup>, а все остальные службы совершали сами монахи (далеко не все было в священном сане), особенно – Чин обедницы, или Изобразительны. Но зачем? Дело в том, что монахи запасались запасными Святыми Дарами, а уже в своих келиях, во время совершения Чина обедницы, приобщались Тела и Крови Христовой самостоятельно (потому в древних греческих памятниках Изобразительны именовали «пролитургией»<sup>16</sup>). В своей книге «О церковном богослужении» священник Иоанн Беллюстин писал о том, что это была распространенная практика: «Случалось, их брали православные и в дома, и там сами причащались Святых Таин. Так, святой Григорий Назианин, в подробном слове своей сестре Горгонии, пишет у нее в доме хранились Святые Дары. Тоже подтверждает Василий Великий в письме кесарийцам прибавляет: “Это издавна, в обыкновении, и все пустынножителю, за неимением достаточного числа священников, собственными руками причащаются Святых Таин, когда имеют у себя их дома”. Святой мученик Киприан рассказывает об одной женщине, почему-то принесшей языческую жертву: “Когда она покушалась своими недостойными руками открыть свой ковчег, в котором хранилась святыня Господня (Святые Дары), то приведена была в ужас вышедшим из этого ковчега пламенем, так что она уже не дерзнула касаться святыни”»<sup>17</sup>. Хотя, стоит отметить, приобщение за Чинем обедницей самими мирянами Святых Таин прекратилось к IX веку, когда стали распространяться не келлиотские обители, а киновиальные монастыри, где монашествующие посещали храм ежедневно<sup>18</sup>. Нужно обратить внимание на то, что запасными Святыми Дарами больных и умирающих причащали не священники, а диаконы<sup>19</sup>. Эта практика со временем упразднилась, но не прекратилось совершения богослужений мирянами. Изобразительны в некоторых обителях совершали порой ради принятия антидора монахами самостоятельно, не призывая при этом священника<sup>20</sup>.

Сегодня Чин обедницы должен быть несколько пересмотрен. Входные молитвы, читаемые Старшим мирянином, хиротесированными чтецом или иподиаконом или диаконом, могут совершаться перед богослужением по подобию входных молитв перед Литургией, читаемые диаконом и иереем. В

---

<sup>15</sup> Нафанаил, иером. Божественная Литургия. Изобразительны // ЖМП, №11 (1981). С.76.

<sup>16</sup> Там же.

<sup>17</sup> Письмо двадцать первое. Божественная служба Преждеосвященных // Беллюстин И.С., свящ. О церковном богослужении. Письма к православному. – СПб.: Типография товарищества «Общественная польза» на Мойке №5, 1862. С.357.

<sup>18</sup> Лукашевич А.А. Изобразительны // Православная энциклопедия. Том XXI. – М.: Церковно-научный центр «Православная энциклопедия», 2009. С.598-599.

<sup>19</sup> Ткаченко А.А. Запасные Дары // Православная энциклопедия. Том XIX. – М.: «Церковно-научный центр «Православная энциклопедия», 2008. С.620.

<sup>20</sup> Нафанаил, иером. Божественная Литургия. Изобразительны // ЖМП, №11 (1981). С.76.

этом нет ничего удивительного, так как старообрядцы до сих пор перед каждым богослужением совершают входные и даже исходные молитвы и поклоны. Добавление пения Трисвятой песни или «Елицы во Христа крестистесь...» вполне логично и осталось в последовании Обедницы у древлеправославных: после тропаря на «И ныне» во время Блаженных произносится молитва «Господи Исусе Христе, Сыне Божии, помилуй нас», поется «Аминь» и сразу – Трисвятое<sup>21</sup>. Также необходимым кажется перенос пения кондаков сразу после пения антифонов (по подобию Литургии) и добавление исполнения тропарей. Перед чтением Святого Евангелия приемлемым может считаться молитва «Возсияй в сердцах наших, Человеколюбче Владыко, Твоего Богоразумия нетленный свет...», так как она не является чисто священнической (читается иереем перед чтением Евангелия на Литургии), но помещается в молитвословах в разделе разных молитв в течение дня. Принятие антидора, артоса или просфоры перед «Буди имя Господне...», как уже было отмечено выше, соотносится с древней традицией, потому может быть включено в состав современного чинопоследования.

Если Чин обедницы совершает диакон, то он, одетый в подрясник и рясу, может возглашать ектении и дозволенные ему слова: мирная после начального возгласа, малая ектения после первого антифона и пения «Еднородный Сыне», «Премудрость», «Вонмем».

Чин обедницы может быть полезен для тех общин, где Божественная Литургия служится крайне редко. Любое богослужение объединяет и помогает общине не разрушиться, пребывать вместе в молитве и согласии.

*Диакон Алексей Попов*

---

<sup>21</sup> Воскресная служба / 2-е изд. – Новозыбков: Древлеправославная Архиепископия, 1997. С.93.

## **Библиографический список**

1. Афанасий (Сахаров), еп. О поминовении усопших по Уставу Православной Церкви. – Киев: Общество любителей православной литературы Издательство имени святителя Льва, папы Римского, 2008. – 544 с.
2. Беллюстин И.С., свящ. О церковном богослужении. Письма к православному. – СПб.: Типография товарищества «Общественная польза» на Мойке №5, 1862. – 478 с.
3. Воскресная служба / 2-е изд. – Новозыбков: Древлеправославная Архиепископия, 1997. – 200 с.
4. Климент (Капалин), митр. Калужский и Боровский. Миряне в распространении Русской духовной культуры среди коренного населения Аляски // Вестник Тамбовского Университета (Серия: Гуманитарные науки), №5(121)/2013. – Тамбов: Тамбовский государственный университет им. Г.Р. Державин, 2013. С.235-242.
5. Лукашевич А.А. Изобразительны // Православная энциклопедия. Том XXI. - М.: Церковно-научный центр «Православная энциклопедия», 2009. С.598-602.
6. Нафанаил, иером. Божественная Литургия. Изобразительны // ЖМП, №11 (1981). С.76.
7. Перемиловская А.Б. Деревянные часовни в православных традициях Русского Севера и Арктики // Вестник ПСТГУ. Серия V: Вопросы истории и теории христианского искусства. №27. М.: Издательство ПСТГУ, 2017. С.69-88.
8. Ткаченко А.А. Запасные Дары // Православная энциклопедия. Том XIX. - М.: «Церковно-научный центр «Православная энциклопедия», 2008. С.620-621.